



მაისი, 2021 წ.

## ყოველთვიური ეკონომიკური მიმოხილვა\*



### თვის მნიშვნელოვანი მაჩვენებლები

- აპრილში, სტატისტიკის ეროვნული სამსახურის წინასწარი შეფასებით, წინა წლის შესაბამის პერიოდთან შედარებით, რეალური მთლიანი შიდა პროდუქტის ზრდის ტემპმა 44.8% შეადგინა
- მაისში წლიური ინფლაცია 7.7%-ს გაუტოლდა
- მაისში წინა თვესთან შედარებით, ლარის გაცვლითი კურსი აშშ დოლართან მიმართებით 1.6%-ით გაიყარებინა, ხოლო ევროს მიმართ 0.1%-ით გაუფასურების ტენდენციას ავლენს.

მაკროეკონომიკური ანალიზისა და საგადასახადო პოლიტიკის განყოფილება

ელ-ფოსტა: [pbo@parliament.ge](mailto:pbo@parliament.ge)

\*სტატისტიკური ინფორმაციის გამომყვანების კალენდრის მიხედვით ზოგიერთი მონაცემი წარმოადგენს წინა თვის ცვლადს




პარლამენტის საბიუჯეტო ოფისი, 2021 წ.

# 1. რეალური და ფისკალური სექტორი

**აპრილში დადებითი ეკონომიკური ზრდა 44.8%-ის ნიშნულზე დაფიქსირდა.**


წინა წლის შესაბამის პერიოდთან შედარებით, 2021 წლის აპრილში, სტატისტიკის ეროვნული სამსახურის წინასწარი შეფასებით, რეალური მთლიანი შიდა პროდუქტის ზრდის ტემპმა 44.8% შეადგინა.

პარლამენტის საბიუჯეტო ოფისის შეფასებით, 2021 წლის აპრილში, წინა თვესთან შედარებით, რეალური მშპ-ის ზრდის ანუალიზებული ტემპი<sup>1</sup> 16.6% შეადგინა.




**მაისში სამომხმარებლო ფასების წლიური ინფლაცია 7.7%-ს შეადგენს.**

წინა წლის მაისთან მიმართებით, 2021 წლის მაისში ინფლაციის დონე 7.7%-ით განისაზღვრა, ანუ მიზნობრივი ინფლაციის 3%-იან მაჩვენებელზე მეტი. წლიური ინფლაციის ფორმირებაზე ძირითადი გავლენა იქონია ფასების დინამიკამ სურსათსა და უალკოჰოლო სასმელებზე, ჯანმრთელობის დაცვაზე, ტრანსპორტზე, საცხოვრებელზე, წყალზე, ელ.ენერჯიაზე და აირზე. 2021 წლის აპრილში მშპ-ის წლიურმა საპროგნოზო დეფლატორმა 8.4% შეადგინა.



**აპრილში ნაერთი ბიუჯეტის უარყოფითი მთლიანი სალდო დაფიქსირდა.**


2021 წლის აპრილში წინა წლის ანალოგიურ პერიოდთან შედარებით, ნაერთი ბიუჯეტის შემოსავლები 8.8%-ით გაიზარდა ხოლო ხარჯები 49.9%-ით გაიზარდა. აღნიშნულ პერიოდში ნაერთი ბიუჯეტის უარყოფითი საოპერაციო სალდო (მთავრობის დანაზოგები) 338.1 მლნ ლარით, ხოლო უარყოფითი მთლიანი სალდო 573.2 მლნ ლარით განისაზღვრა.



<sup>1</sup> წინა თვესთან შედარებით ანუალიზებული რეალური მშპ-ის ზრდის ტემპი რეალური მშპ-ის მონაცემების საფუძველზე სეზონურობისა და შემთხვევითი რყევების ამორიცხვით დგინდება და წარმოადგენს შესწორებული ტრენდის განლიურებულ მაჩვენებელს.

აპრილში, გასული წლის ანალოგიურ პერიოდთან შედარებით, ეროვნულ ეკონომიკაზე როგორც ლარში, ისე უცხოურ ვალუტაში გაცემული სესხები არსებითი ზრდის ტენდენციას ავლენს.


წინა წლის აპრილთან მიმართებით, 2021 წლის აპრილში კომერციული ბანკების მიერ გაცემულმა სესხებმა 18.2%-ით მოიმატა და 39.3 მლრდ ლარი შეადგინა. მათ შორის, ლარში გაცემული სესხები 23.8%-ით, ხოლო უცხოურ ვალუტაში გაცემული სესხები 13.9%-ით გაიზარდა.



## 2. საგარეო სექტორის ინდიკატორები


იანვარ-აპრილში, წინა წლის იმავე პერიოდებთან შედარებით, გაიზარდა როგორც საქონლის ექსპორტი, ასევე იმპორტი.

წინა წლის იანვარ-აპრილთან შედარებით, 2021 წლის იანვარ-აპრილში ექსპორტი 19.6%-ით გაიზარდა, ხოლო იმპორტი 10.1%-ით, რაც ძირითადად სავაჭრო ბრუნვის გაზრდით არის გამოწვეული. ამ პერიოდში ექსპორტის წილი საგარეო სავაჭრო ბრუნვაში 30.5%-ით განისაზღვრა. ექსპორტის მნიშვნელოვანი ზრდა აღინიშნა თურქეთში (65%-ით), უკრაინაში (61%-ით) ჩინეთში (53%-ით) და რუსეთში (27%-ით). ამ პერიოდში მნიშვნელოვნად შემცირდა ექსპორტი არაბთა გაერთიანებულ საამიროებში (52%-ით), შვეიცარიაში (27%-ით) და ბულგარეთში (23%-ით).




აპრილში ფულადი გზავნილები გაიზარდა.

წინა წლის შესაბამის პერიოდთან შედარებით, 2021 წლის აპრილში ფულადი გზავნილები 145.4%-ით გაიზარდა. გზავნილების ძირითად წყაროს ევროკავშირის ქვეყნები (გზავნილების მთლიანი ოდენობის 41%), რუსეთი (17.2%) და აშშ (12.8%) წარმოადგენენ. საანალიზო პერიოდში გზავნილების მოცულობამ მნიშვნელოვნად მოიმატა შემდეგი ქვეყნებიდან: უკრაინიდან (336%-ით), აზერბაიჯანიდან (272%-ით), რუსეთიდან (154%-ით), აშშ-დან (155%-ით), იტალიიდან (137%-ით) და საბერძნეთიდან (114%-ით).



**2021 წლის მაისში საერთაშორისო რეზერვებმა 4,154 მლნ აშშ დოლარი შეადგინა.**

2021 წლის მაისში საერთაშორისო რეზერვების მოცულობამ 4,154 მლნ აშშ დოლარი შეადგინა და 2020 წლის შესაბამისი პერიოდის მაჩვენებელთან შედარებით 15.6%-ით გაიზარდა, ხოლო წინა თვესთან მიმართებით კი - 0.4%-ით. 2021 წლის მაისში ეროვნულ ბანკს სავალუტო ინტერვენციებით ოპერაციები არ განუხორციელებია.




### 3. მონეტარული სექტორის ინდიკატორები

აპრილში, წინა წლის შესაბამის პერიოდთან შედარებით, სარეზერვო ფულის მასის ზრდის ტრენდი შენარჩუნდა.

წინა წლის ანალოგიურ პერიოდთან შედარებით, 2021 წლის აპრილში სარეზერვო ფულის მასა 19.6%-ით გაიზარდა. ფულის M2 აგრეგატი 21.1%-ით მოიმატა, ხოლო M3 აგრეგატის ზრდის ტემპი 24.1%-ს გაუტოლდა. აპრილში წინა წლის შესაბამის პერიოდთან მიმართებით, სამომხმარებლო ფასების ინფლაციამ 7.2% შეადგინა.


**ფულის მასა და სამომხმარებლო ფასები %-ლი ცვლილება**



აპრილში, წინა თვესთან შედარებით, შემცირდა დეპოზიტებზე დოლარიზაციის მაჩვენებელი, ხოლო სესხებზე უმნიშვნელოდ გაიზარდა.


2021 წლის აპრილში დეპოზიტების დოლარიზაციის მაჩვენებელი 1.31%-ული პუნქტით შემცირდა და 63.24%-ით განისაზღვრა, სესხებზე დოლარიზაციის მაჩვენებელი კი 0.31%-ული პუნქტით გაიზარდა და 55.67% შეადგინა. წინა თვესთან მიმართებით, 2021 წლის აპრილში ეროვნული ვალუტით განთავსებული დეპოზიტები 1.1%-ით გაიზარდა, ხოლო უცხოური ვალუტით განთავსებული დეპოზიტების მოცულობა კი 4.5%-ით შემცირდა.

**დეპოზიტები და დოლარიზაციის კოეფიციენტი**




აპრილში, წინა თვესთან მიმართებით, საპროცენტო განაკვეთი დეპოზიტებზე უმნიშვნელოდ 0.05%-ული პუნქტით გაიზარდა, ხოლო სესხებზე 0.2%-ული პუნქტით შემცირდა.

2021 წლის აპრილში საბაზრო საპროცენტო განაკვეთმა სესხებზე 12.0% შეადგინა, ხოლო დეპოზიტებზე 6.2%-ით განისაზღვრა. საპროცენტო განაკვეთის სპრედმა (სხვაობა სესხებსა და დეპოზიტებზე საპროცენტო განაკვეთებს შორის) 2021 წლის აპრილის მდგომარეობით 5.8% შეადგინა, 0.2 %-ული პუნქტით მეტი წინა წლის აპრილთან შედარებით.



მაისში, წინა თვესთან მიმართებით, ლარის კურსი აშშ დოლარის მიმართ გამყარების, ხოლო ევროს მიმართ უმნიშვნელო გაუფასურების ტენდენციას ავლენს.


2021 წლის მაისში, წინა თვესთან შედარებით, ლარის გაცვლითი კურსი აშშ დოლარის მიმართ 1.6%-ით გამყარდა, ხოლო ევროს მიმართ - 0.1%-ით გაუფასურდა. ამავე პერიოდში გამყარდა ნომინალური ეფექტური გაცვლითი კურსი. რაც შეეხება შედარებას გასული წლის ანალოგიურ პერიოდთან მიმართებით, 2021 წლის მაისში ლარის გაცვლითი კურსი აშშ დოლარის მიმართ 5.4%-ით, ევროს მიმართ კი 15.1%-ით გაუფასურდა.



## 4. რეგიონული მიმოხილვა

მაისში, რეგიონის ქვეყნებში, გარდა თურქეთისა სამომხმარებლო ფასების ინფლაცია დაახლოებით ერთნაირი დინამიკით ხასიათდება.


კერძოდ, 2021 წლის მაისში თურქეთში წლიურმა ინფლაციამ 16.6% შეადგინა. შედარებით დაბალი იყო ინფლაციის დონე რუსეთში (6.0%) და სომხეთში (5.9%). რაც შეეხება აზერბაიჯანს\*, 2021 წლის აპრილის მდგომარეობით, სამომხმარებლო ფასებმა წინა წლის ანალოგიურ პერიოდთან შედარებით 4.3%-ით მოიმატა.



მაისში, რეგიონის ქვეყნების ვალუტების გაცვლითი კურსები, აშშ დოლართან მიმართებაში გაუფასურების ტენდენციას ავლენს, თუმცა განსხვავებული მასშტაბით.

კერძოდ, 2021 წლის მაისში, წინა წლის შესაბამის პერიოდთან შედარებით, აშშ დოლართან მიმართებაში გაუფასურდა თურქული ლირა (16.9%-ით), რუსული რუბლი (1.3%-ით), სომხური დრამი (7.2%-ით), ხოლო აზერბაიჯანული მანათი უმნიშვნელოდ გამყარდა (0.1%-ით).

გაცვლითი კურსის წლიური ცვლილება  
მაისი, 2021



შემაჯამებელი ცხრილი<sup>2</sup>



ზრდა



კლება



ცვლილება < 1%

		მაისი 20	ივნ 20	ივლ 20	აგვ 20	სექტ 20	ოქტ 20	ნოემბ 20	დეკ 20	იანვ 21	თებ 21	მარ 21	აპრ 21	მაისი 21
რეალური სექტორი	მშპ-ს ზრდის ტემპი													
	დღგ-ს ბრუნვების ზრდის ტემპი													
მონეტარული სექტორი	ინფლაცია													
	მონეტარული პოლიტიკის განაკვეთი													
	დეპოზიტების დოლარიზაცია													
	სესხების დოლარიზაცია													
საგარეო სექტორი	გაცვლითი კურსი													
	გზავნილები													
	ექსპორტი													
	იმპორტი													
	სავაჭრო ბალანსი													
	საერთაშორისო რეზერვები													
ფისკალური სექტორი	შემოსავლები													
	მიმდინარე ხარჯები													
	კაპიტალური ხარჯები													

\*ცხრილში წარმოდგენილი მონაცემები შედარებულია გასული წლის შესაბამისი თვის ანალოგიურ მონაცემებთან

		მაისი 20	ივნ 20	ივლ 20	აგვ 20	სექტ 20	ოქტ 20	ნოემბ 20	დეკ 20	იანვ 21	თებ 21	მარ 21	აპრ 21	მაისი 21
რეალური სექტორი	მშპ-ს ზრდის ტემპი													
	დღგ-ს ბრუნვების ზრდის ტემპი													
მონეტარული სექტორი	ინფლაცია													
	მონეტარული პოლიტიკის განაკვეთი													
	დეპოზიტების დოლარიზაცია													
	სესხების დოლარიზაცია													
საგარეო სექტორი	გაცვლითი კურსი													
	გზავნილები													
	ექსპორტი													
	იმპორტი													
	სავაჭრო ბალანსი													
	საერთაშორისო რეზერვები													
ფისკალური სექტორი	შემოსავლები													
	მიმდინარე ხარჯები													
	კაპიტალური ხარჯები													

\*\*ცხრილში წარმოდგენილი მონაცემები შედარებულია წინა თვის ანალოგიურ მონაცემებთან

<sup>2</sup> გაცვლითი კურსის ზრდა ნიშნავს გაუფასურებას, კლება გამყარებას.